


沈乃文主編

明別集叢刊 第五輯

第七十五冊

黃山書社





國家出版基金項目
NATIONAL PUBLICATION FOUNDATION


「十二五」國家重點圖書出版規劃項目
2011—2020年國家古籍整理出版規劃重點項目

沈乃文 主編

明別集叢刊 第五輯

第七十五冊

黃山書社



(明)毛聚奎 撰

吞月子集二卷附錄一卷

民國二十三年張氏約園刻四明叢書本

吞月子集

四明張氏約園開雕

序

明之末季吾鄉有六狂生曰董幼安

志寧

王石崖

張雲生

夢錫

華吉甫

夏

陸贛庵

宇燭

毛象來

聚奎

象來

自號吞月子遭時偃蹇與其兄象臨彈射欣賞以文章爲樂事其言曰天地逆旅光陰過客人生適志耳焉能以吾身爲桎梏大塊既勞我以形骸而腐儒老生復束之以繩墨維達人之曠觀烏知吾南面王樂又曰有林有泉有風有月有松竹有魚鳥有詩酒琴棋往者取之使林泉吾有風月吾有松竹魚鳥吾有詩酒琴棋吾有

吞月子集序

一四明叢書
約園刊本

而後耳目口鼻手足吾有而後耳目口鼻手足所歷之時之日之月之歲吾有不則吾耳吾目吾口吾鼻吾手足總不吾有也嗚呼天下有耳目口鼻手足不吾有以吾身爲桎梏者何可勝道康居而肉食衣鮮而策肥如游魚飛鳥釜中籠中歷少而壯而老將以爲名抑以爲利風波勞勞無已時逡巡歲月而不知此身之所成其精則搖搖其視聽也囁嚅若乳羊曲以踏平結若秋蟬暗以啞乎塵世肉囊惛惛不察斯非不持燭而經暗室之所致哉惟先生則萬慮澄然天光內育題其所常讀

書之處曰吞月人間世伯倫放情於荷鍾元亮適志於

籃輿抗陽竝麗端夕耀明一枕黑甜三杯軟飽慷慨壹

鬱情見乎詞真血性男子也文筆妙天下具大手眼顧

泊然苜蓿寒瓊以獨伸其志凜凜英銳寧爲秋霜毋爲

檻羊識定則神閒氣充遇紛變而應之裕如至於成敗

禍福一任之於天無容以私智衡較其間卒瘡拮据皆

吾神仙事是則先生之志也先生之行也先生之文也

余於先生之所自道者擬以弁諸端而何敢贊一詞乎

顧謝山先生謂先生詩古文詞皆崛奇其宗人不能爲

吞月子集序

一四明叢書
約園刊本

之收拾竭力求之卒未得乃余小子竟得之其喜何如爰就舊鈔略爲編訂分爲三卷益之以續耆舊詩所輯詩二首甬東正氣集所載異獸傳卽壁狐傳也凡文七十五篇詩六首忻君紹如馮君孟顥精爲校勘付梓以傳吞月子之文庶乎爭光日月矣民國十九年十二月後學張壽鏞序

毛戶部聚奎傳

全祖望撰

聚奎字象來一字文垣都給事中宏之後爲人懷直剛果有節概少與其弟聚璧並有聲時稱爲西皋雙鳳乙酉豫於六狂生之列幾爲夫己氏所害尋參瓜里幕府議以明經授戶部郎司餉事去奔走山海之間累遭名捕行遯得免而其家遂以此落晚年始歸初先生於庚寅辛卯間與吳于蕃管道復汪伯徵倪端本邗上周雪山爲社已而亡命及其歸也死亡星散竟以沈冥而卒所著有吞月子集六狂生之幸得終牖下者先生一人而已而亦無後君子哀之先生詩古文詞皆崛奇顧其宗人不能爲之收拾予竭力求之卒不得惟先大父贈公曾錄其文數篇今存之傳中云

吞月子集

四明叢書
約園刊本

壽鏞案續耆舊詩傳中所載文四篇曰方石銘曰輿人阜人丐人傳曰周乘六自序卷跋曰吞月銘皆在吞月子集中詩一首曰四明懷古曰謁文丞相祠惟四明懷古未錄梁蓮湖水部印續耆舊詩時將肇弘傳原本所錄者刪去自註云此傳未錄馮君孟顓曾與之言謂不宜刪卒以文字忌諱未從蓮湖爲我至

友續耆舊詩之印有功鄉獻今世事遷變固不敢以今日而論及當時也

吞月子集

四明叢書
約園刊本

明戶部郎毛先生象來家傳

汪國撰

先生名聚奎鄞人也少負奇姿讀書喜擊劍慕古豪傑之事與其弟聚璧齊名時號西皋雙鳳初以郡明經貢入太學會乙西南都變聞浙東諸郡奉魯王監國紹興先生風遊錢忠介公幕因參與軍事授戶部清吏司員外郎軍府之中贊畫居多復從航海出虎蹲蛟門諸峽賦詩張越公祠下慷慨激烈與諸公歃血相誓後忠介薨于行翁洲旋失守諸軍殲焉先生脫身歸里復圖恢復閱數年而又有六狂生之禍六狂生者華翰林夏王

春月子集

家傳

一四明叢書

約園刊本

職方家勤楊右都文瓚董戶部志寧屠駕部獻宸其一卽先生皆鄞人也五人逮捕死獨先生跳而免當是時浙東人士聞先生名者重其行義多欲破家藏匿之先生喟然曰昔人有言孽自己作禍及他人吾忍效張儉之望門投止乎遂棄妻孥入海島所過螭灘鯨背之間尋謝晞髮王席帽諸公所嘗至地徬徨憑弔時時痛哭失聲所作詩文淒楚激越合雅掩騷海濱多誦傳之者嗚呼王室板蕩山河破碎志義之士爭出身以殉所天固其宜也至於景命有歸四海之內冠履既定無不息

心以效順者而吾邑諸君子顧獨以區區之力欲噓已息之燼此豈可得哉然而愚公移山精衛填海千載而下亦存其志而已矣國朝禁網疏闊自定鼎以後盡除前代苛政卽明餘諸士名挂叛逆之條亦未嘗輒加以孥僇之罪而廣柳復壁中亡命逃竄如先生輩者不少其後詔書一切不問嗚呼此亦可以驗寬大之政也先生晚年風波旣息始得旋里中與友人吳子蕃管聖一汪伯端倪端本諸人結吟社于西皋咸推先生爲祭酒邗上周雪山亦來入社雪山名維祚自署爲江南看殘

春月子集

家傳

一四明叢書

約園刊本

月頭陀數君皆豪士而雪山才情尤雄厲與先生相得甚善每酒酣賦詩悲歌流涕劍槩之聲相磨聞者皆心驚膽掉蓋先生雖沈淪里巷而聞雞擊楫之志耿耿然終未下膺也及數年諸君相繼謝世雪山亦歸揚旋歿先生墨墨不樂未幾遂發病卒自先生卒後而西臺復社之徒彫零略盡故高武部隱學哭之以詩曰胸中嶽嶽何時已世上紛紛詎易任其所以悼惜之者至矣先生博通經史而尤邃於春秋其古文高削廉悍不屑蹈襲前人一字自泉堂先生外未有過之者嘗自號春月

子而銘之曰屈爾首塞爾口咄咄子光在爾右又曰乾九悔納西兌來與坎男齊其轡蓋其所寄託如此贊曰先生真振奇人哉夫燔妻子湛七族雖歷九死與百折志義之士猶將甘之如飴然而吳市變名楚關匍匐隱忍以全生夫安知其不出于舊國舊君之故哉吾鄉全謝山太史搜羅四明文獻而于鼎革諸公尤三致意焉獨先生之行事不盡詳幸毛氏之家乘在余得而論次之且頗推見其隱焉

吞月子集

家傳

三

四明叢書

約園刊本

吞月子集目錄

卷一 詩

贈別馬靜庵師歸虞山四首

四明懷古

謁文丞相祠

卷二 文

周雪山詩稿序

張世調詩序

贈張客卿居雪竇序

吞月子集 目錄

四明叢書

約園刊本

贈吳于蕃序

序澱水蔣子近刻二首

代

汪伯徵猶存草序二首

跋周乘六冊子

鄭伯克段于鄆

贈仲子

繫獄

亥箴

滿箴



贅說

輿人阜人丐人傳

題彌勒像

薛白於先生私諡議

吞月銘

方石銘

亡姪淳甫殯銘

文學元瑜繆公行狀

告外祖父母墓文

祭姪女文代

方母楊孺人哀辭代

祭外母朱太孺人文

哭鳳六亡弟辭

祭貞母袁太孺人文

祭范芝宇文代

祭張翁文代

祭陳翁文代

祭周太翁文代

吞月子集目錄

二四明叢書
約圖刊本

祭馮式融文

祭陳封公文代

祭德林周先生文

祭謝親母文

奠封中丞高公文

祭岳母文代

祭范親母文代

楊媼方孺人哀誄代

壻祭岳母文代

卷三文

吞月子集目錄

二四明叢書
約圖刊本

壽愛嚴翁六十序二首

壽鄭漢章五十序

李士元六十壽序

謝太母六旬壽序代

史公六十壽序

壽史公七十序二首

壽林翁六十序

壽顧文字六旬序代

壽范母何太孺人序

壽孫錫蕃六十序代

羣仙獻壽圖序

壽張母何太孺人序代

黃母家慶圖序

題陳君小影

石擬一章

聘包宅啟

復梅宅聘書代

春月子集 目錄

復梅宅聘啟代

復周宅啟代

謨姪婚帖

穎姪婚帖

過俞宅約帖

孫氏女復啟

張聘鄭書代

祭封孺人謝太叔母文代

祭范驚百文代

四四明叢書

約圖刊本

祭史及遂文代

公奠陳母周夫人文代

自誅文代

讀胡友蠡先生傳代

識斷

送董子石雲初授學博之任序

與鄒程邨論董文友禘致夫人辨

魯書自序

異獸傳

春月子集 目錄

附錄

高都御史斗樞郊居詠贈毛象來

汪隱君應詔題毛象來春月軒

倪評事元楷題毛象來春月軒

高隱君斗權寄毛象來

徐明經鳳垣哭毛象來

高武部宇泰哭毛象來

周莊春月子制義序

徐霞鄰春月子集誌

五五四明叢書

約圖刊本

張讓三吞月子集記

王翼林題吞月子集

吞月子集 目錄

六四明叢書
約圖刊本

吞月子集卷一

明鄞縣毛聚奎象來

詩

贈別馬靜庵師歸虞山

慘淡經年別相逢隔世人
檠燈驚喜半樽酒笑言頻道
契空山月心開幽谷春
丈前日正永卻又悵歸塵
舊別留餘悵旋添今夕新
深情寄煙樹悲操泣沈鱗雲
阻前歸水舟隨欲盡春
落花不解意飛傍別離人
行行送夫子言至西江濱
惜別驚潮蚤貪遲忘話頻片

吞月子集 卷一

一四明叢書
約圖刊本

帆紫氣遠一笈白雲親此去蕭蕭夜風傳兩地神

既怪春光短還傷吾道屯
昔年此地別今別昔年人
淚強和風咽愁翻帶笑陳
何時重話舊相對太平身

四明懷古

四明文物壓羣州征戰相遭二十秋
逸老祠荒悲野草黃公墓冷咽江流
長春花柳游人淚東渡魚鹽過客愁
故國蕭蕭無限恨白猿啼盡五更籌

謁文丞相祠

沈沈畫壁枕雲間宋室孤臣不可攀
欲弔小樓迷蔓草

偶來古廟哭青山不驚鐵騎英雄壯嘗讀詩歌血淚斑
賴有王孫修薄薦春風春雨幾愁顏

吞月子集 卷一

二 四明叢書
約園刊本

吞月子集卷一

吞月子集卷二

文

明鄞縣毛聚奎象來撰

周雪山詩稿序

詩本三百其教主於溫厚和平故諷刺至五噫而露贈
別至河梁而淺閨怨至團扇而輕此崑嶠先生之說也
夫詩以道性情而性情所發其得之天者有正有奇感
之人者有甚有不甚要當以我性情作我之詩以我之
詩見我性情而不當以我性我情規摹於三百篇之性

吞月子集 卷二

二 四明叢書
約園刊本

之情也孔子不得中行思魯狂士狂士唯不襲中行故
孔子思之謂其可入於道溫厚和平此詩之中行者也
不必盡出於溫厚和平而直見我性情於詩者此詩之
狂士者也舍我性情而規摹於三百篇之性之情以求
當乎溫厚和平之目是則鄉愿而已矣天地間凡物之
有聲者莫非詩凡有聲之詩莫不因其自然之性之情
水之安流汨汨滔滔及其驚濤鼓怒也岳震雷奔可謂
岳震雷奔者非水之正聲乎風之融融噓和解凍及其
戰乎西北也擊石飛沙可謂擊石飛沙者非風之正聲

乎蟲聲嘒嘒鳥聲嚶嚶鶴鳴皋而聞野虎嘯谷而生風
龍不諧音於鳳猿不效響於麋可謂此之是而彼之非
乎故曰以我作詩不以詩作詩此作詩者也以我說詩
不以詩說詩此說詩者也不以我作不以我說於是詩
中多鄉愿而詩亡詩亡然後春秋作春秋主褒貶詩主
美刺六經之有詩春秋在六官爲兵刑之用帝舜在上
干羽舞有苗格共工驩兜罪止放流而武周革命殺君
滅國五刑之屬其目三千至公孫僑古之遺愛乃鑄刑
鼎孔明王者之佐取法申韓亂國重而治國輕運會使

吞月子集 卷一

二四明叢書
約園刊本

然聖賢亦大不得已也上世風俗淳厚雖極惡小人其
羞惡畏名義之心未盡漸滅故微言婉刺可以致規至
近世而頑鈍亡恥之習錮於膏肓矣痛詆極訶猶苦不
足於治顧欲下參苓之劑發傷寒七日之汗是宋襄之
仁義而梁武之好生也吾不與之論世矣邗江周子雪
山負磊落不羈之性遇坎坷齷齪之時而以其激烈慷
慨之詞發舒壘塊不平之氣故爲詩如哭如笑如怨如
怒如罵如訴筆之所至時有蒙公天狐火鞭石斧以助
之經營使豺狼兔竄伏亂榛荒棘之下股栗不敢喘

息吾喜其能不爲三百篇之詩而爲雪山周子之詩也
崑嶠先生者起乃欲鄉愿我雪山宋襄梁武我雪山雪
山能無胸懣目張狂叫復發也哉嗟乎雪山天資奇邁
能狂於詩其入道亦決不在琴張曾皙之左世無孔子
安所取裁勉矣雪山毋徒雄據詩壇一片席也

張世調詩序

吾郡張子世調善詩古文詞壯事遊所至聲籍籍老而
病盲卧起一室戶外之屢常滿一日出其所著詩若干
卷問序於余余許之而弗遑也記是時張子年六十微

吞月子集 卷一

二四明叢書
約園刊本

詩爲壽而余亦未有以應閱今三年矣時時往來胸臆
間秋來余病甚幾不可起竊念此生於文字業中所必
不可已而不及了者凡十數則張子之序居一焉於是
稍間爲急草數語序之曰左丘失明援春秋以作傳史
記接武左氏然必歷覽名山大川而後成張子固饒史
才又遊轍類子長而有丘明之疾嘗與余言欲仿歷代
小史例序次時事成一代之書今顧不暇而徒發之詠
歌以詩爲史是左馬杜甫合而爲一人宜其工而可傳
也張子之文更富於詩余茲序詩故不及其文嗚呼昔

臨淄命修作鵲鳥賦修辭不爲及暑賦成彌日而不獻
兩賢相厄妍醜各自知余於張子世調徵詩而不應序
其詩逡巡及三年然則張子之詩之文概可知矣

贈姚江張客卿師居雪竇序

吾師吾師之弟子也吾師之弟子今無所吾師矣吾師
逃而去之空空何有之鄉吾師將母吾師吾師之弟子
也舍曰吾師而師曰非吾師之師將母可舍曰吾君而
君曰非吾君之君舍曰吾父而父曰非吾父之父也吾
師將母曰吾則奈何吾師之弟子而君非吾君之君父

吞月子集 卷二

四明叢書
約園刊本

非吾父之父吾寧舍曰吾師而師曰吾師之師也然則
吾師誠吾師之弟子也其爲吾師之弟子者姚江張客
卿師也其曰吾師吾師之弟子者所爲道嚴上人者也
上人居雪竇山以其侶覺悟來而吞月子贈之宜曰贈
道嚴上人序而今日贈姚江張客卿師者吾師吾師之
弟子也

贈吳于蕃先生序

于蕃吳先生博學獨行以詩古文辭名四方四方之轍
幾遍老而歸休於西臺之上足少痺然視聽猶昨丙夜

詠歌不衰一日過謂毛子曰嘻余殆不免矣天者困余
以飢寒而申之以疾病毛子乎余殆將不免登其堂貌
首之斑如工人告成事矣歸而遇仲子於塗則奉先生
命運輒以修殯具毛子心壯之載之酒而賀之曰先生
可謂有道之君子矣今人莫不貪生而怖死故有年八
九十子孫毋得言後事言則彌日忽忽不樂至於伏簀
遷延不能喘息猶喑喑作嬰兒聲呼天呼鬼神以冀須
臾毋死備極酸醜可憐之狀今先生少病痺則無可死
理顧遑遑治具一似樂爲之者何其達哉夫生寄也死

吞月子集 卷二

五十四明叢書
約園刊本

歸也有生必有死物之理也不以求而生不以多所諱
而不死天之命也全吾所以生以俟乎死之自至所以
盡理而立命也是故飢寒疾病者死之故而非所以死
之故也天之以飢寒死先生者數矣然而先生之困於
飢寒垂七十年則飢寒固不足以死之也飢寒不足以
死之故將死之以疾病夫疾病則烏得毋死然世有不
待疾病而死者矣則疾病非所以死之也王衍之排壤
此何待疾病而死哉彼三窟之營以卻飢寒也卻飢寒
以卻死也而究不死於飢寒而并不死於疾病所謂死